

ETNE KOMMUNE

Sjoarvegen 2

5590 ETNE

Vår dato: 17.02.2025

Vår ref.: 202412920-5 Oppgje ved kontakt

Dykkar ref.:

Høyring av melding om ny 420 kV kraftleidning Sauda–Gismarvik

Noregs vassdrags- og energidirektorat (NVE) har motteke ei melding frå Statnett SF for ny 420 kV kraftleidning frå Sauda transformatorstasjon til Gismarvik transformatorstasjon i Rogaland. Meldinga gjev ei overordna beskriving av Statnetts planar og forslag til kva konsekvensutgreiingar dei meiner må gjennomførast før det kan søkjast om konsesjon. Tiltaket påverkar Sauda, Etne, Vindafjord og Tysvær kommunar.

Høyringsfristen er sett til 4. april 2025.

Meldinga er tilgjengeleg på NVE sine internettsider www.nve.no/20434/A.

Invitasjon til folkemøte

NVE held offentlege møte i Sauda, Vindafjord og Tysvær kommunar. Under følgjer informasjon om tid og stad for dei ulike møta NVE no inviterer til. Alle møta byrjar kl. 19.00. NVE vil orientere om handsaminga av søknaden. Statnett vil vere til stades og orientere om planane. Møta er ope for alle.

Kommune	Dato	Dag	Kvar	Adresse
Sauda kommune	10. mars	Måndag	Sauda klubb	Wergelandsveien 48
Vindafjord	11. mars	Tysdag	Ølen kulturhus	Dreganesvegen 40
Tysvær	12. mars	Onsdag	Tysværtunet kulturhus	Aksdalsvegen 157

Informasjon til kommunane og regionale myndigheiter

NVE vil halde orienteringsmøte om tiltaka med dei aktuelle kommunane. Vi håpar på brei deltaking både frå den politiske leiinga og administrasjonen i kommunen, under dette representantar for det faste utvalet for plansaker. Tid og stad for møta blir avtalt direkte med kommunane. Representantar frå Statsforvaltaren og Fylkeskommunen er òg inviterte, og blir bedne om å kontakte NVE ved ynskje om deltaking.



Vi ber kommunane om å leggje meldingane ut på internettsidene sine og ev. Facebook-sider, og å orientere aktuelle lokale velforeningar, idrettslag, interesseorganisasjonar mfl. om meldinga.

Kva er ei melding?


Ei melding er ei tidleg varsling av eit tiltak og gjev ei overordna beskriving av ein utbyggjar sine planar med vurdering av moglege verknader for omgjevnadane. Vidare blir det gjeve eit forslag til kva konsekvensutgreiingar utbyggjar meiner må gjennomførast før det kan søkjast om konsesjon seinare i prosessen. Dette blir kalla eit utgreiingsprogram.

Føremålet med meldingane er å gje dei som kan bli påverka av tiltaket informasjon om planane, samtidig som desse får høve til å kome med fråsegn og innspel til kva som bør greiast ut vidare. På bakgrunn av meldinga, og innkomne høyringsfråsegner, vil NVE fastsetje endelege krav til kva konsekvensutgreiingar som må gjennomførast.

Ønsker du meir detaljert informasjon om kva ei melding er, så kan du finne dette her: [Utforming av melding om nettanlegg](#).

Om meldinga

Tiltaket inneber to om lag 70 km lange 420 kV kraftleidningar frå Sauda transformatorstasjon til Gismarvik transformatorstasjon. Statnetts melde trasear er vist i figur 1. To eksisterande 300 kV leidningar på same strekning, som er gamle og har låg overføringskapasitet, vil bli rive når dei nye leidningane blir satt i drift. Tiltaket påverkar Sauda, Vindafjord og Tysvær kommunar i Rogaland og Etne kommune i Vestland fylke.



Figur 1: Oversiktskart over Statnetts melde trasear.



Kva slags innspel ønskjer NVE i samband med høyringa?

Gjennom høyringa av meldingane ønskjer NVE spesielt innspel på følgjande:

- Manglar i Statnetts forslag til konsekvensutgreiingar (utgreiingsprogram), eksempelvis tema eller spesielle lokale forhold som ikkje er ivareteke og metodar som bør nyttast til særskilde tema i utgreiingane.
- Innspel til Statnetts melde leidningstrasear
- Om det er nye trasear som bør greiast ut utover dei som er melde

Det er først etter høyringa av konsesjonssøknadene seinare i prosessen NVE vil ta stilling til om Statnett skal få lov til å byggje kraftleidningane. Vi gjer derfor merksame på at innspel for eller mot tiltaka, under dette behovet for tiltaka, er mindre relevante i denne høyringa.

Korleis kan høyringsfråsegn sendast inn?

Du kan sende inn høyringsfråsegn til tiltaka via NVEs nettside www.nve.no/20434/A. Det er også mogleg å sende fråsegner på e-post. Merk e-posten med «Høyringsfråsegn» og saksnummer 202412920. Hugs å oppgje namn og eventuelle organisasjonsnummer i innleiinga.

Høyringsfråsegn kan også sendast per brev til NVE, Postboks 5091, Majorstuen, 0301 Oslo.

Høyringsfråsegner må sendast til NVE innan 4. april 2025.

Har du spørsmål om saka?

Spørsmål om Statnetts planar kan rettast til prosjektleiar Kjetil Helland, tlf. 239 04 151, e-post kjetil.helland@statnett.no eller kommunikasjonsrådgjevar Marianne Veggeberg, tlf. 239 04 165, e-post marianne.veggeberg@statnett.no.

Opplysningar om NVEs sakshandsaming kan rettast til sakshandsamar i NVE Ingrid Maria Bik, tlf. 22 95 98 09, e-post imbi@nve.no.

Med helsing

Ingrid Myrtveit
seksjonssjef

Ingrid Maria Bik
førstekonsulent

Dokumentet vert sendt utan underskrift. Det er godkjent etter interne rutinar.

Mottakarliste:



STATENS VEGVESEN
ROGALAND FYLKESKOMMUNE
STATSFORVALTEREN I ROGALAND
Den Norske Turistforening
Natur og Ungdom
SAUDA KOMMUNE
TYSVÆR KOMMUNE
VINDAFJORD KOMMUNE
ETNE KOMMUNE
NORGES NATURVERNFORBUND
Birdlife Norge
Fortidsminneforeningen
STATSFORVALTAREN I VESTLAND
FORUM FOR NATUR OG FRILUFTSLIV (FNF)
VESTLAND FYLKESKOMMUNE
Natur og Ungdom Vestland
JAKOB HATTELAND KJEMI AS

Kopimottakarliste:

STATNETT SF